



04 AUG, 2020

Gagal pakai pelitup muka, empat dikompaun

Sinar Harian, Malaysia

Page 1 of 2

Gagal pakai pelitup muka, empat dikompaun

KUALA TERENGGANU - Polis mengeluarkan empat kompaun terhadap individu gagal memakai pelitup muka di tempat awam di negeri ini sejak penguatkuasaan peraturan itu bermula 1 Ogos lalu.

Ketua Polis Terengganu, Datuk Roslee Chik berkata, empat individu terbahit ialah lelaki berusia antara 18 hingga 27 tahun.

Menurutnya, mereka dikenakan kompaun dalam Ops Covid-19 pada hari pertama penguatkuasaan peraturan itu, antara jam 4 petang hingga 12 tengah malam di Pantai Bukit Keluang, Besut.

“Sepanjang tiga hari pemantauan, kita lihat kadar pematuhan pemakaian pelitup muka ini mencapai 90 peratus.


“Kita harap, angka ini dapat ditingkatkan lagi sekiranya orang ramai dapat

membiasakan diri dengan disiplin pemakaian pelitup muka bagi membendung Covid-19,” katanya ketika dihubungi *Sinar Harian* di sini semalam.

Katanya, seramai 384 pegawai dan anggota yang terdiri daripada polis, Angkatan Tentera Malaysia, Angkatan Pertahanan Awam dan Relau yang akan membuat pemantauan dan pemeriksaan di tempat awam sesak di negeri ini.

Beliau berkata, ia termasuk di pasar tani, pasar raya, taman rekreasi dan tempat pelancongan serta di lokasi pengangkutan awam seperti bas dan teksi.

Menurutnya, sekiranya masih ingkar dan tidak memakai pelitup muka, mereka boleh dikompaun RM1,000 mengikut Perkara 10 Peraturan-peraturan Pengawalan Penyakit Berjangkit (PPP-PB)(No 7) 2020.



04 AUG, 2020

Gagal pakai pelitup muka, empat dikompaun

Sinar Harian, Malaysia

Page 2 of 2

SUMMARIES

KUALA TERENGGANU - Polis mengeluarkan empat kompaun terhadap individu gagal memakai pelitup muka di tempat awam di negeri ini sejak penguatkuasaan peraturan itu bermula 1 Ogos lalu. Ketua Polis Terengganu, Datuk Roslee Chik berkata, empat individu terbabit ialah lelaki berusia antara 18 hingga 27 tahun. Menurutnya, mereka dikenakan kompaun dalam Ops Covid-19 pada hari pertama penguatkuasaan peraturan itu, antara jam 4 petang hingga 12 tengah malam di Pantai Bukit Keluang, Besut.